

四庫全書

史部

欽定四庫全書

皇朝文獻通考卷一百八十六

兵考

八

直省兵

福建

浙江

八旗駐防

福州將軍一人

駐劄福州府

副都統一人統轄協領八

人佐領八人防禦八人驍騎校十六人八旗滿洲
領催一百六十名前鋒二百名驍騎一千二百名
步軍三百二十名弓匠箭匠鐵匠四十名兼轄左
右營綠旗兵及水師一營

綠旗左營兼中軍副將一人中軍都司一人千總
二人把總四人兵九百三十名右營遊擊一人中
軍守備一人千總二人把總四人兵九百三十名
水師營協領一人佐領二人防禦二人驍騎校六

人領催三十名鳥鎗兵二百四十名弓箭兵七十名大刀兵四十名挑刀兵四十名藤牌兵九十名礮手四十名捕盜兵十名水手十六名船匠八名教習兵二十四名

康熙十九年設福州駐防將軍一人副都統二人協領叅領各四人防禦驍騎校各二十人撥杭州駐防漢軍左翼四旗驍騎步軍一千七名改駐福州又增兵一千名設領催二百四十二名驍騎一

千四百十八名步軍三百四十七名鐵匠十九名
兼管標下綠旗營官兵

二十九年於福州駐防驍騎額內分設鳥槍領催
一百四十二名鳥槍驍騎九百五十四名領催一
百名驍騎四百六十四名

五十七年定福州駐防兵額內一半充為馬兵一
半充為步兵

雍正元年以福州駐防步軍三百四十七名為鳥

槍兵

六年設福州駐防水師營協領一人佐領防禦各
二人驍騎校六人水師五百名於駐防漢軍餘丁
內選補教習兵一百名由海壇閩安二營綠旗兵
內選撥入水師營遇缺開除即以本營水師兵充
額

乾隆十九年定福州駐防改用八旗滿洲設滿洲
協領一人防禦一人佐領驍騎校各二人其驍騎

步軍各兵均由在京八旗滿洲發往充額原設之
四旗漢軍各官兵悉令出旗送部分別去留改補

綠旗營

二十八年令福州駐防水師營漢軍兵悉陸續出
旗分別改補綠旗營由京撥議裁之鄭家莊兵六
百十二名充額如不敷數再於八旗滿洲兵內發
往

三十二年撥天津水師營議裁兵二百二十九名

充福州兵額

三十四年裁福州駐防步兵八十名

三十五年裁福州駐防佐領八人

四十四年裁福州駐防副都統一人

綠旗營

閩浙總督一人

駐劄福州府

統轄本標官兵及水師營

兼節制撫標二提標三鎮標十三

臣等謹按順治二年設浙江總督駐杭州府五年

改為閩浙總督駐衢州府兼轄福建十五年分設
兩省總督以福建總督駐福州府浙江總督駐杭
州府康熙八年併歸福建為閩浙總督九年又分
設兩省總督移福建總督駐漳州府十一年仍駐
福州府二十三年裁浙江總督仍併為閩浙總督
駐福州府兼轄浙江雍正五年又分設兩省總督
十二年復併為閩浙總督

督標中營中軍副將一人中軍都司一人千總二

人把總四人兵一千一百六名左營叅將一人中
軍守備一人千總二人把總四人兵一千一百七
名右營叅將一人中軍守備一人千總二人把總
四人兵一千一百七名

南臺水師營叅將一人

駐劄南臺

中軍守備一人千總

二人把總四人兵九百名

福建巡撫一人

駐劄福州府

統轄本標官兵

撫標左營魚中軍叅將一人中軍守備一人千總

二人把總四人兵六百四十五名右營遊擊一人

中軍守備一人千總二人把總四人兵六百四十

五名

福建水師提督一人

駐劉
廈門

統轄本標官兵及分防

各營兼節制鎮標四

提標中營中軍叅將一人中軍守備一人

駐劉
澄縣海

千總二人把總四人兵九百六十名左營遊擊一

人

駐劉
龍溪
縣石碼

中軍守備一人

駐劉
廈門

千總二人把總

四人兵九百六十名右營遊擊一人中軍守備一
人千總二人把總四人兵九百六十名前營遊擊
一人中軍守備一人千總二人把總四人兵九百
六十名後營遊擊一人中軍守備一人千總二人
把總四人兵九百六十名

閩安協副將一人

駐劄閩縣兼轄烽火門營

左營兼中軍都司

一人

駐劄連江縣

中軍守備一人千總二人把總四人

兵八百十六名右營都司一人

駐劄大西

中軍守備

一人千總二人把總四人兵八百十六名兼轄烽

火門叅將一人

駐劉霞浦縣

中軍守備一人千總二人

把總四人兵九百十二名

銅山營叅將一人

駐劉漳浦縣銅山城

中軍守備一人千總

二人把總四人兵一千二百名

金門鎮總兵官一人

駐劉同安縣

統轄本標官兵

鎮標左營兼中軍遊擊一人中軍守備一人千總

二人把總四人兵一千一百五十二名右營遊擊

一人中軍守備一人千總二人把總四人兵一千一百五十二名

海壇鎮總兵官一人

駐劄福清海壇汛

統轄本標官兵

鎮標左營兼中軍遊擊一人中軍守備一人千總二人把總四人兵一千一百五十二名右營遊擊一人中軍守備一人千總二人把總四人兵一千一百五十二名

南澳鎮總兵官一人

駐劄廣東之南澳兼屬兩廣總督及廣東提督節制統

轄本標官兵

鎮標左營兼中軍遊擊一人

駐劄詔安縣右營隸廣東

中軍守

備一人千總二人把總四人兵一千一百五十九名

臺灣鎮總兵官一人

駐劄臺灣府

統轄本標官兵及分

防各營

鎮標中營中軍遊擊一人

駐劄中路

中軍守備一人

千總二人把總四人兵九百十名左營遊擊一人

駐劄北路口

中軍守備一人千總二人把總四人兵九

百三十名右營遊擊一人

駐劄南路口

中軍守備一人

千總二人把總四人兵九百三十名

臺灣城守營叅將一人

駐劄臺灣府

左營兼中軍守備

一人千總一人把總二人兵五百名右營守備一

人千總一人把總二人兵五百名

臺灣協副將一人

駐劄安平鎮

中營中軍遊擊一人中

軍守備一人千總二人把總四人兵八百五十名

左營遊擊一人中軍守備一人

駐劄
築港

千總二人把

總四人兵八百名右營遊擊一人中軍守備一人

千總二人把總四人兵八百五十名

澎湖協副將一人

駐劄媽
宮汛

左營兼中軍遊擊一人

中軍守備一人千總二人把總四人兵一千名右

營遊擊一人中軍守備一人千總二人把總四人

兵一千名

北路協副將一人

駐劄漳
化縣

中營中軍都司一人千

總二人把總四人兵八百九十名左營守備一人

駐劄諸

羅縣

千總二人把總四人兵八百十名右營守

備一人

駐劄竹塹

千總二人把總四人兵七百名

南路營叅將一人

駐劄鳳山縣

中軍守備一人千總二

人把總四人兵一千名

北路淡水營都司一人

駐劄八里坌

千總一人把總二

人兵五百名

南路淡水營都司一人

駐劄山豬毛口

千總一人把總二

人兵五百名

福建陸路提督一人

駐劄泉州府

統轄本標官兵及分

防各營兼節制鎮標四

提標中營中軍叅將一人中軍守備一人

駐劄安溪縣

千總二人把總四人兵八百五十四名左營遊擊

一人

駐劄永春州

中軍守備一人

駐劄府城

千總二人把總

四人兵八百五十四名右營遊擊一人

駐劄寧衛

中

軍守備一人

駐劄府城

千總二人把總四人兵八百五

十四名前營遊擊一人中軍守備一人

駐劄惠安營

千

總二人把總四人兵八百五十四名後營遊擊一人中軍守備一人千總二人把總四人兵八百五十四名

泉州城守營叅將一人

駐劄泉州府兼轄安海營

中軍守備一

人千總二人把總三人兵六百八十三名兼轄安

海營都司一人

駐劄安海汛

把總一人兵一百五十名

福州城守協副將一人

駐劄福州府

左營兼中軍都司

一人千總二人把總五人兵一千一百十名右營
都司一人千總二人把總四人兵九百五十一名

興化城守協副將一人

駐劄興化府

左營兼中軍都司

一人中軍守備一人千總二人把總四人兵九百

六十一名右營都司一人

駐劄仙遊縣

中軍守備一人

駐劄府城

千總二人把總四人兵九百六十二名

長福營參將一人

駐劄福清縣

左營守備一人

駐劄鎮東衛

千總一人把總二人兵六百二十三名右營都司

一人駐劄長樂縣

千總一人把總二人兵五百三十二名

福寧鎮總兵官一人

駐劄福寧府

統轄本標官兵及分

防各營

鎮標中營中軍遊擊一人中軍守備一人千總二

人把總四人兵八百四十六名左營遊擊一人

駐劄

福安縣

中軍守備一人千總二人把總四人兵八百

四十八名右營遊擊一人

駐劄寧德縣

中軍守備一人

千總二人把總四人兵八百四十八名

桐山營遊擊一人駐劄福鼎縣中軍守備一人千總二

人把總四人兵七百五十六名

連江營遊擊一人駐劄連江縣中軍守備一人千總二

人把總四人兵七百五十名

羅源營遊擊一人駐劄羅源縣中軍守備一人千總二

人把總四人兵七百五十名

汀州鎮總兵官一人駐劄汀州府統轄本標官兵及分

防各營

鎮標中營中軍遊擊一人中軍守備一人千總二

人把總四人兵九百三十七名左營遊擊一人

駐劄

清流縣

中軍守備一人

駐劄府城

千總二人把總四人兵

九百三十七名右營遊擊一人

駐劄上杭縣

中軍守備

一人

駐劄府城

千總二人把總四人兵九百三十七名

邵武城守營叅將一人

駐劄邵武府

左營守備一人千

總二人把總四人兵八百三十名右營都司一人

駐劄建寧縣

千總二人把總四人兵八百三十名

建寧鎮總兵官一人

駐劄建寧府

統轄本標官兵及分

防各營

鎮標中營中軍遊擊一人

駐劄建陽縣

中軍守備一人

駐劄浦城縣

千總二人把總四人兵七百五十九名左

營遊擊一人

駐劄崇安縣

中軍守備一人

駐劄府城

千總二

人把總四人兵七百六十名右營遊擊一人

駐劄松溪

縣中軍守備一人

駐劄府城

千總二人把總四人兵七

百六十名

延平城守協副將一人

駐劉延平府

左營都司一人

駐劉

將樂縣

中軍守備一人千總二人把總四人兵八百

二名右營都司一人

駐劉永安縣

中軍守備一人

駐劉府城

千總二人把總四人兵八百二名

楓嶺營守備一人

駐劉楓嶺兼屬浙江楓嶺營遊擊統轄

千總一人把總

二人兵四百二十六名

漳州鎮總兵官一人

駐劉漳州府

統轄本標官兵及分

防各營

鎮標中營中軍遊擊一人中軍守備一人千總二

人把總四人兵九百六十二名左營遊擊一人

駐劉

漳浦縣

中軍守備一人

駐劉府城

千總二人把總四人兵

九百六十二名右營遊擊一人

駐劉澄縣海

中軍守備

一人

駐劉府城

千總二人把總四人兵九百六十二名

漳州城守營都司一人

駐劉漳州府

中軍守備一人千

總二人把總四人兵八百九十五名

同安營叅將一人

駐劉同安縣無轄瀧口營

中軍守備一人千

總一人把總四人兵六百六十一名兼轄灌口營

都司一人

駐劉灌口汛

千總一人兵二百名

詔安營遊擊一人

駐劉詔安縣兼轄紅花嶺營

中軍守備一人

千總二人把總四人兵六百三十二名兼轄紅花

嶺營守備一人

駐劉紅花嶺營

把總一人兵二百五十一

名

平和營遊擊一人

駐劉平和縣

中軍守備一人千總二

人把總四人兵八百名

龍巖營遊擊一人

駐劉龍巖州

中軍守備一人

駐劉漳平縣

千總二人把總四人兵八百名

雲霄營遊擊一人

駐劉雲霄城

中軍守備一人千總二

人把總四人兵七百六十九名

順治七年定福建官兵經制設福建巡撫標旗鼓

守備一人

尋裁旗鼓守備後提標鎮標
旗鼓都司旗鼓守備並同

左右二營

各設遊擊以下將領八人兵共二千名設福建水

陸提督標旗鼓都司一人分中左右三營中營設

參將以下將領八人左右二營各設遊擊以下將
領八人兵共三千名設汀州鎮泉州鎮銅山鎮總
兵官及援勦總兵官中路總兵官鎮標各旗鼓守
備一人左右二營各設遊擊以下將領八人兵共
二千名設福州城守協漳州協建寧協等處副將
協標中左右三營各設遊擊以下將領八人兵共
三千名設福州水師協汀州城守協興化協邵武
協延平協閩安協同安協等處副將協標左右二

營各設遊擊以下將領八人兵共二千名設福寧
協副將標左右二營各都司以下將領七人兵共
一千八百名設泉州城守營泉州水師營漳州水
師營雲霄營浦城營叅將以下將領八人兵一千名
設長樂營福清營連江營烽火門營遊擊以下將
領八人兵一千名

十一年設楓嶺營遊擊以下將領八人兵一千名

駐劉浦城縣之廿八都後廿八都地方改隸浙江
江山縣移守備以下將領四人分駐浦城縣之楓

嶺定遊擊歸衢州協統
轄守備歸建寧協統轄

十四年裁福寧協副將改設福寧鎮總兵官鎮標
左右二營各設遊擊以下將領八人兵共二千名
十五年設總督標中左右三營中營設副將以下將
領八人左右二營各設遊擊以下將領八人兵共
三千名

十八年裁福建巡撫標左右二營遊擊以下官兵
康熙元年設羅源營遊擊以下將領八人兵七百

六十名

二年設詔安營遊擊以下將領七人兵七百七十

三名

六年裁興化協副將改設興化鎮總兵官裁駐劄
漳州之中路總兵官

七年移汀州鎮總兵官駐漳浦改為漳浦鎮別設
汀州協副將以下官兵

是年裁福建水陸提督及提標官兵

八年設福建水師總兵官及鎮標官兵

十三年復設福建巡撫標左右二營各遊擊以下將領八人兵共一千三百二名

十七年裁水師總兵官改設福建水師提督提標分中左右前後五營中營設叅將以下將領八人左右前後四營各設遊擊以下將領八人兵共四千八百名又設福建陸路提督及提標五營叅將以下將領如水師之數兵共四千三百三十三名

十九年裁援勦總兵官改設金門鎮海壇鎮總兵
官鎮標中左右三營各設遊擊以下將領八人兵
共三千名

二十三年設臺灣鎮總兵官鎮標分中左右三營
中右二營各設遊擊以下將領八人左營設遊擊
以下將領六人兵共二千七百七十名又設臺灣
協副將分中左右三營中營設遊擊以下將領八
人左營設遊擊以下將領六人右營設遊擊以下

將領七人兵共二千五百名又設澎湖協副將左右二營各設遊擊以下將領八人兵共二千名又設北路營叅將以下將領八人兵一千一百二十名設南路營叅將以下將領八人兵一千名又設淡水營都司以下將領四人兵五百名

是年裁銅山鎮總兵官改設銅山協副將左右二營仍設遊擊以下官兵裁同安協副將改設遊擊以下將領九人兵八百六十八名又裁泉州鎮標

官兵

二十四年設南澳鎮總兵官以鎮標右營駐廣東
隸廣東提督統轄左營駐福建設遊擊以下將領
八人兵一千一百八十名

是年撥同安營千總一人兵二百名又增都司一
人設為灌口營

二十六年設南臺水師營叅將以下將領八人兵
九百名撥督標兵七百五十名水師提標兵七十

五名閩安協兵七十五名充額其督標存兵三千四百二十五名

二十七年裁海壇鎮金門鎮標中營官兵止設左右二營遊擊以下將領八人兵共二千三百四名移漳浦總兵官駐漳州改為漳州鎮中左右三營各設遊擊以下將領八人兵共二千八百五十名別設漳浦營遊擊以下將領八人兵八百十七名駐漳浦縣又設海澄營遊擊以下將領八人兵八

百七十九名駐海澄縣裁福州城守協標中營止
設左右二營各都司以下將領七人兵共一千九
百十五名裁泉州城守營叅將改設遊擊即撥長
樂營遊擊一人漳州協標守備一人增入泉州營
合原設將領共九人兵共七百六十名其長樂營
復裁千總一人把總二人兵三百九十七名并裁
福清營千總一人把總二人兵四百八名合為長
福營設遊擊並左右二營各守備以下將領四人

兵共一千一百九十五名其漳州協並裁副將改設城守營遊擊以下將領八人兵八百十七名

是年撥福寧鎮守備一人兵一百五十三名邵武協千總二人把總四人及提標等各營兵共七百三十名又增遊擊一人設為銅山營復裁邵武協副將改設叅將以下左右二營官兵

三十一年裁延平城守協右營守備一人仍設副將以下左右二營將領共十六人兵共一千六百

三十四名

三十二年裁銅山協副將改設遊擊以下官兵

三十六年移興化鎮總兵官駐汀州改為汀州鎮

中左右三營各設遊擊以下將領八人兵共二千

八百五十名即移汀州協副將駐興化改為興化

城守協左右二營各設遊擊以下將領八人兵共

一千九百五十八名

六十年移臺灣鎮總兵官駐澎湖即移澎湖協副

將駐臺灣

六十一年以移駐澎湖之臺灣鎮總兵官仍駐臺灣其澎湖仍設水師協副將

雍正二年裁銅山營遊擊改設叅將以下將領八人兵一千二百名

八年改泉州城守營遊擊為叅將改守備一人為都司即撥都司一人把總一人兵一百五十名分設為安海營又改長福營遊擊為叅將

十年撥福建內地陸營兵九十名入長福左營合原設叅將以下將領九人兵共一千一百三名

十一年裁建寧協副將改設建寧鎮總兵官增設左營千總右營把總各一人合原設中左右三營遊擊以下將領共二十四人兵共二千七百九名增設福寧鎮標左營把總右營千總各一人合原設中左右三營遊擊以下將領共二十四人兵共二千五百六十五名增設臺灣鎮標左營千總把

總各一人右營把總一人又設臺灣城守營叅將
以下將領九人左右二營守備以下將領四人兵
共一千名裁北路營叅將改設北路協副將又增
設守備二人千總四人把總八人兵一千二百八
十名合原設將領共二十二人分中左右三營中
營設都司以下將領七人左右二營各設守備以
下將領七人兵共二千四百名又增設南路營都
司一人千總一人把總二人兵五百名合原設叅

將以下將領共十二人兵共一千五百名增設淡水營把總一人合原設都司以下將領共四人兵共五百名增設臺灣水師協左營千總把總各一人右營把總一人合原設副將以下將領共二十五人兵共二千五百名增設閩安協左營千總右營把總各一人合原設副將以下將領共十七人兵共一千六百三十二名增設連江營把總一人合原設遊擊以下將領共八人兵共七百六十名

增設詔安營雲霄營把總各一人合原設遊擊以下將領各八人兵各七百七十九名增設邵武城守營把總一人合原設叅將以下將領共十五人兵共一千六百八十二名增設烽火門把總一人合原設叅將以下將領共八人兵共九百十二名乾隆八年設紅花嶺營守備一人把總一人兵一百十名又撥詔安營兵一百四十一名來駐仍歸詔安營兼轄

二十年改漳州鎮標左營為平和營以漳浦營改
為鎮標左營改鎮標右營為龍巖營以海澄營改
為鎮標右營其二營遊擊仍分駐漳浦海澄二營
守備移駐漳州府城

三十七年裁水師提標步戰兵一千五百名改募
守兵一千五百名

八旗駐防

杭州將軍一人

駐劄杭州府

副都統一人統轄滿洲協

領兼佐領八人佐領十六人防禦十六人驍騎校
二十四人蒙古協領兼佐領一人佐領七人防禦
四人驍騎校八人八旗滿洲蒙古委前鋒校十六
人前鋒一百八十四名鳥鎗領催六十四名鳥槍
驍騎七百三十六名礮領催三十名礮驍騎一百
六十名箭營領催八十二名箭營驍騎三百二十
八名步軍三百二十二名養育兵一百二十八名
弓匠箭匠鐵匠各三十二名兼轄乍浦副都統一

乍浦副都統一

駐劄嘉興府乍浦統於杭州將軍

統轄滿洲協

領兼佐領四人蒙古協領兼佐領一人佐領十六

人防禦八人驍騎校十六人八旗滿洲領催七十

二名驍騎一千一百二十八名蒙古領催二十四

名驍騎三百七十六名內委前鋒校十六人前鋒

一百八十四名礮領催八名礮驍騎六十四名水

手二十三名弓匠箭匠鐵匠共九十六名

順治十五年設杭州駐防撥保定府德州等四城

駐防兵一千名改駐杭州設滿洲佐領蒙古佐領
驍騎校各員以總管一人統之又設漢軍都統一
人副都統一人管轄漢軍兵仍聽總管節制

康熙十三年裁杭州駐防總管及漢軍都統改設
滿洲將軍一人滿洲副都統二人漢軍副都統二
人八旗滿洲每旗設協領防禦各一人佐領驍騎
校各二人四旗漢軍每旗設協領叅領各一人防
禦三人驍騎校二人八旗滿洲蒙古設驍騎九百

六十九名步軍七百名弓匠二十四名鐵匠四十
八名四旗漢軍設驍騎一千三十一名步軍三百
四十七名鐵匠三十七名滿洲漢軍共棉甲兵七
百六十四名

是年撥太原駐防兵三百名充杭州額

十七年增設杭州駐防八旗滿洲每旗佐領驍騎
校各一人四旗漢軍每旗防禦二人驍騎校三人
滿洲蒙古增驍騎五百六十七名漢軍增驍騎四

百三十三名裁原設之棉甲兵

十八年增設杭州駐防八旗滿洲每旗佐領驍騎
校各一人又增匠役二十四名

十九年裁杭州駐防漢軍步軍九十七名增設滿
洲蒙古步軍五十名

二十二年於杭州駐防額兵內分設委前鋒校十
六人前鋒一百八十四名

二十三年裁杭州駐防滿洲蒙古步軍三百名

三十年增設杭州駐防八旗滿洲每旗防禦一人
滿洲蒙古增驍騎六十四名合新舊共一千六百
名內滿洲一千二百名蒙古四百名分設委前鋒
校十六人前鋒一百八十四名鳥槍領催十六名
鳥槍驍騎一百八十四名領催一百六十名驍騎
一千四十名漢軍增驍騎一百三十六名合新舊
共一千六百名分設鳥槍領催一百名鳥槍驍騎
七百名領催一百名驍騎七百名

三十一年增設杭州駐防四旗漢軍礮騎十二名
五十八年調杭州駐防滿洲蒙古驍騎一千名往
赴雲南仍於駐防餘丁內選補原額

六十年以調赴雲南兵還歸駐防其增設兵一千
名遇缺開除五百五十九名外實存八旗滿洲驍
騎一千六百十一名步軍三百六十五名弓匠二
十四名鐵匠四十八名蒙古驍騎四百三十名步
軍八十五名弓匠八名鐵匠十六名四旗漢軍驍

騎一千六百名步軍二百五十名礮驍騎十六名
鐵匠三十七名

雍正元年增設杭州駐防協領一人

七年移杭洲駐防右翼副都統一人往駐乍浦設
乍浦水師營副都統一人協領四人佐領十二人
防禦八人驍騎校十六人於杭州駐防滿洲蒙古
餘丁及康熙六十年議裁驍騎千名內開除未盡
之兵共選八百名充水師額又設教習兵四百名

由浙江沿海綠旗營內選撥入水師營遇缺開除
即以本營水師兵充額

八年撥江寧駐防兵八百名移駐乍浦為水師右
營以先移乍浦之杭州駐防兵八百名為水師左
營每營滿洲六旗蒙古二旗設滿洲領催七十二
名水師一千一百二十八名蒙古領催二十四名
水師三百七十六名弓匠鐵匠四十八名
九年增設乍浦駐防水師營協領一人

十年增設杭州駐防防禦四人

十一年于杭州駐防額兵內以滿洲蒙古兵一百三十五名漢軍兵一百三十五名分設礮領催三十名礮驍騎二百四十名又於乍浦駐防額兵內分設委前鋒校十六人前鋒一百八十四名增弓匠十六名鐵匠三十二名

十二年以乍浦駐防額內鐵匠之半改為箭匠

乾隆十六年裁漢軍副都統一人

二十八年令杭州駐防四旗漢軍兵悉陸續出旗
分別改補綠旗營並裁漢軍副都統一人

三十二年裁杭州駐防滿洲協領八人

三十九年改杭州駐防步軍一百二十八名作為
養育兵

綠旗營

浙江巡撫一人

駐劄杭州府

統轄本標官兵

撫標中軍參將一人

兼轄左右二營

左營守備一人千總

二人把總四人兵四百一名右營守備一人千總一人把總四人兵三百八十五名

浙江水陸提督一人

駐劄寧波府

統轄本標官兵及分

防各營兼節制鎮標五

提標中營中軍叅將一人中軍守備一人千總二人把總四人兵八百四十二名左營遊擊一人中軍守備一人千總二人把總四人兵八百四十二名右營遊擊一人中軍守備一人千總二人把總

四人兵八百四十二名前營遊擊一人

駐劄鄞縣大嵩所

中軍守備一人千總二人把總四人兵八百五十

六名後營遊擊一人中軍守備一人

駐劄應家柵

千總

二人把總四人兵八百五十三名

寧波城守營都司一人

駐劄寧波府

中軍守備一人千

總二人把總四人兵六百二十九名

杭州城守協副將一人

駐劄杭州府魚轄前塘營

中軍都司一

人千總二人把總四人兵八百五十七名魚轄錢

塘營都司一人

駐劄杭州府

千總二人把總三人兵六

百五十六名

海塘營守備一人

駐劄海寧州

千總二人把總四人兵

四百名

湖州協副將一人

駐劄湖州府兼轄安吉營

中軍都司一人左

營守備一人千總二人把總三人兵四百六十二

名右營守備一人千總二人把總三人兵四百六

十二名兼轄安吉營守備一人

駐劄安吉縣

千總一人

把總二人兵二百九十名

嘉興協副將一人

駐劄嘉興府

中軍都司一人左營守

備一人

駐劄海鹽縣

千總一人把總四人兵七百二十

五名右營守備一人

駐劄乍浦

千總二人把總四人兵

七百二十五名

紹興協副將一人

駐劄紹興府

左營兼中軍都司一人

中軍守備一人千總二人把總四人兵八百五十

五名右營都司一人

駐劄餘姚縣

中軍守備一人

駐劄臨山

千總二人把總五人兵一千十七名

乍浦營叅將一人

駐劉乍浦

左營兼中軍守備一人千

總一人把總二人兵三百名右營守備一人千總

一人把總二人兵三百名

太湖營遊擊一人

駐劉江南吳縣之角頭汛屬江南太湖協副將統轄

中軍

守備一人

駐劉烏程縣大錢口

千總一人把總二人兵六百

五十八名

黃巖鎮總兵官一人

駐劉黃巖縣

統轄本標官兵及分

防各營

鎮標中營中軍遊擊一人中軍守備一人

駐劄海門汛

千總二人把總四人兵八百五十八名左營遊擊

一人中軍守備一人千總二人把總四人兵八百

五十八名右營遊擊一人

駐劄海門汛

中軍守備一人

駐劄黃龍巖

千總二人把總四人兵八百五十九名

台州協副將一人

駐劄台州府

中營中軍都司一人千

總二人把總四人兵七百十三名左營守備一人

駐劄桃渚寨

千總一人把總四人兵六百七十七名右

營都司一人

駐劄前所寨

中軍守備一人千總二人把

總三人兵六百八十三名

寧海營叅將一人

駐劄寧海縣

左營兼中軍守備一人

千總二人把總四人兵五百八十九名右營守備

一人千總二人把總四人兵五百八十四名

太平營叅將一人

駐劄太平縣

中軍守備一人

駐劄松門衛

千總一人把總四人兵七百七十五名

定海鎮總兵官一人

駐劄定海
縣舟山

統轄本標官兵及

分防各營

鎮標中營中軍遊擊一人中軍守備一人千總二
人把總四人兵九百八十二名左營遊擊一人中
軍守備一人千總二人把總四人兵九百七十五
名右營遊擊一人中軍守備一人千總二人把總
四人兵八百八十四名

象山協副將一人

駐劄象山縣
魚轄昌石營

左營兼中軍都司

一人中軍守備一人千總二人把總三人兵六百

三十一名右營都司一人中軍守備一人千總二

人把總三人兵六百三十一名兼轄昌石水師營

都司一人

駐劄昌
圖衛

千總一人把總三人兵五百六

十五名

鎮海水師營參將一人

駐劄鎮
海縣

守備一人千總二

人把總四人兵一千一百五十五名

溫州鎮總兵官一人

駐劄溫
州府

統轄本標官兵及分

防各營

鎮標中營中軍遊擊一人

駐劄長沙汛

中軍守備一人

千總二人把總四人兵八百二十三名左營遊擊

一人中軍守備一人千總二人把總四人兵八百

二十四名右營遊擊一人

駐劄寧村寨

中軍守備一人

千總二人把總四人兵八百八十一名

溫州城守營都司一人

駐劄溫州府

中軍守備一人千

總二人把總四人兵七百五十五名

樂清協副將一人

駐劄樂清縣
兼轄磐石營

中軍都司一人千

總二人把總四人兵八百九十名兼轄磐石營都

司一人

駐劄
磐石寨

千總一人把總二人兵二百九十

七名

瑞安協副將一人

駐劄瑞
安縣

左營兼中軍都司一人

千總二人把總三人兵四百六十七名右營守備

一人千總二人把總三人兵四百六十五名

平陽協副將一人

駐劄平
陽縣

左營兼中軍都司一人

中軍守備一人

駐劉蒲莊所

千總一人把總四人兵五

百八十九名右營都司一人

駐劉金鄉寨

中軍守備一

人

駐劉平陽縣

千總一人把總四人兵五百八十八名

玉環營叅將一人

駐劉揚縣寨

左營兼中軍守備一人

千總一人把總二人兵四百四十八名右營守備

一人千總一人把總二人兵四百四十八名

大荆營都司一人

駐劉大荆寨

中軍守備一人

駐劉大芙蓉汛

千總二人把總五人兵六百六十名

處州鎮總兵官一人

駐劄處州府

統轄本標官兵及分

防各營

鎮標中營中軍遊擊一人中軍守備一人千總二

人把總四人兵八百二十八名左營遊擊一人

駐劄

龍泉縣

中軍守備一人

駐劄雲和縣

千總二人把總四人

兵八百二十七名右營遊擊一人中軍守備一人

駐劄遂昌縣

千總二人把總四人兵八百二十八名

金華協副將一人

駐劄金華府

左營兼中軍都司一人

中軍守備一人千總二人把總四人兵五百五名

右營都司一人

駐劉永康縣

中軍守備一人

駐劉府城

千總

二人把總四人兵五百五名

麗水營都司一人

駐劉麗水縣

千總一人把總一人兵

四百三十一名

衢州鎮總兵官一人

駐劉衢州府

統轄本標官兵及分

防各營

鎮標中營中軍遊擊一人中軍守備一人

駐劉龍游縣

千總二人把總四人兵七百七十二名左營遊擊

一人

駐劄常山縣

中軍守備一人

駐劄華埠

千總二人把總

四人兵六百五十名右營都司一人

駐劄江山縣

中軍

守備一人

駐劄府城

千總二人把總四人兵六百六十

名

衢州城守營都司一人

駐劄衢州府

千總一人把總二

人兵三百二十八名

嚴州協副將一人

駐劄嚴州府

中軍都司一人左營守

備一人千總二人把總四人兵四百九十八名右
營守備一人千總二人把總四人兵四百九十八

名

楓嶺營遊擊一人

駐劄江山縣廿八都兼轄福建
守備千總各一人把總二人屬

福建建寧
鎮統轄

千總一人把總二人兵四百七十七名

順治五年定浙江官兵經制設總督標旗鼓都司

一人

尋裁旗鼓都司後撫標提標鎮
標旗鼓都司旗鼓守備並同

分中左右三

營中營設副將以下將領八人左右二營各設遊

擊以下將領八人兵共三千名設浙江巡撫標旗
鼓守備一人左右二營各設遊擊以下將領八人
兵共二千名設浙江提督標旗鼓都司一人分中
左右三營中營設叅將以下將領八人左右二營
各設遊擊以下將領八人兵共三千名又提標錢
塘水師左右二營各設遊擊以下將領八人兵共
二千名設定海鎮總兵官鎮標旗鼓守備一人中
左右三營各設遊擊以下將領八人兵共三千名

又鎮標台州水師中左右三營中營隨鎮駐定海
左右二營分駐要口各設遊擊以下將領八人兵
共三千名設衢州鎮總兵官鎮標旗鼓守備一人
中左右三營各設遊擊以下將領八人兵共三千
名又設衢州協副將標中左右三營各都司以下
將領八人兵共二千六百名設水師左路總兵官
右路總兵官鎮標中左右三營各設遊擊以下將
領分統鎮標兵設湖州協嘉興協副將協標中左

右三營各設都司以下將領八人兵共二千五百
名設寧波協紹興協台州協溫州協副將協標中
左右三營各設都司以下將領八人兵共二千六
百名設金華協嚴州協處州協副將協標左右二
營各設都司以下將領八人兵共一千六百名設
安吉營守備以下將領四人兵五百名又以次設
寧海營太平營定海營瑞安營大荆營等處叅將
以下官兵

是年移衢州鎮總兵官駐金華改為金華鎮止設
衢州協副將以下官兵設杭州城守協副將左右
二營各設都司以下將領八人兵共二千名

七年裁杭州城守協標都司千總各一人把總二
人止設一營又裁湖州協嘉興協標中營

是年裁浙江通省各標營都司守備千總把總共
二十四人兵共五千名

八年以提標水師左營及定海鎮標水師左營移

駐舟山改設舟山協副將一人左右二營各設遊擊以下將領八人兵共二千名其提標水師右營改為錢塘水師營

十年裁杭州城守協標守備一人止設副將以下將領八人兵八百四十二名裁錢塘水師營遊擊改設守備以下將領七人兵六百三十九名

十一年裁嘉興協副將改設遊擊移駐海鹽並裁左右營都司各一人千總各一人以左營守備駐

嘉興右營守備駐乍浦共存兵一千三百七十九名

十三年設温州鎮總兵官鎮標中左右三營各設遊擊以下將領八人兵共二千九百五十名裁原設温州協副將標官兵又裁金華鎮總兵官改設金華協副將以下將領十七人兵一千一百七十七名

十五年增設浙江提督標為五營中營仍設叅將

以下將領八人左右前後四營各設遊擊以下將領八人兵共四千三百三十六名

十七年移定海鎮總兵官駐台州改為台州鎮十八年復設溫州城守協副將以下將領八人兵八百九十九名

是年裁浙江巡撫標左右二營遊擊以下官兵康熙元年設樂清協副將以下將領八人兵一千二百名

三年設太湖營遊擊以下將領八人兵九百名兼轄浙江江南二省湖面

七年移浙江提督標自杭州府改駐寧波府

八年移寧波協副將駐象山改為象山協左右二營各設都司以下將領八人兵共一千四百十六名改設寧波城守營遊擊以下將領九人兵七百三十名又移水師右路總兵官駐平陽改為平陽鎮移水師左路總兵官駐定海改為定海鎮又設

太平營叅將以下將領八人兵八百九十四名

九年移台州鎮總兵官駐黃巖改為黃巖鎮止設

台州協副將標中左右三營官兵

十年裁瑞安營叅將改設瑞安協副將左右二營

各設守備以下將領五人兵共九百三十二名

十三年復設浙江巡撫標左右二營各遊擊以下

將領八人兵共一千五百名

十五年裁黃巖鎮標官兵

十八年復設黃巖總兵官鎮標中左右三營各設遊擊以下將領八人兵共二千五百七十五名

二十二年裁温州鎮標中左右三營兵共二百六十五名嘉興協兵五十名又撥衢州協兵十名入楓嶺營

二十三年以浙江總督併歸福建裁總督標中左右三營副將以下各員兵三千名裁台州協標中左二營都司各一人兵九十名止設副將以下將

領二十三人兵二千六百八十一名又撥紹興協
兵十三名入楓嶺營

是年移定海鎮總兵官駐舟山改為舟山鎮

二十四年撥台州協兵二百三十三名樂清營兵
五十名入定海鎮撥温州城守協兵二十名入舟
山鎮

二十五年改定海營為鎮海營設叅將以下將領
八人兵一千二百五十七名

二十七年於舟山改設定海縣仍以舟山鎮為定
海鎮左右二營各設遊擊以下將領八人兵共二
千八百四十一名

三十四年裁浙江巡撫標兵一百名湖州城守協
兵六十名金華協兵七十七名

三十五年裁浙江提督標兵五十一名温州鎮標
兵一百五十一名衢州協兵二百四十名杭州城
守協兵二十五名錢塘水師營兵十五名嘉興協兵

四十名寧波營兵四十九名鎮海營兵九十名紹興協兵一百五十名浙閩楓嶺營兵二十名温州城守營兵八十名樂清營兵六十二名大荆營兵七十名

三十六年裁昌國營兵三十名

四十五年裁湖州協標右營都司一人改左營都司為中軍都司兼管二營事各設守備以下將領七人兵共一千一百四十四名

四十七年增紹興協兵三百四十名

四十九年移平陽鎮總兵官駐處州改為處州鎮
中左右三營各設遊擊以下將領八人兵共二千
六百三十一名即以處州協駐平陽改為平陽協
左右二營各設都司以下將領八人兵共一千一
百八十五名

五十年裁嘉興營遊擊復設嘉興協副將左右二
營各設守備以下將領六人兵共一千三百七十

九名以副將駐嘉興以左營守備駐海鹽又裁溫
州城守協副將改設遊擊以下將領八人兵七百
九十九名

五十二年設麗水營都司以下將領三人兵四百
三十五名

雍正二年設乍浦水師營遊擊以下將領九人兵
五百名又撥太湖營守備一人千總一人把總二
人入江南太湖營以遊擊以下將領四人兵四百

二十五名專為浙江太湖營

是年裁大荆營叅將改設遊擊以下將領八人兵
七百九十九名

五年復分設浙江總督標官兵增設太湖營守備
一人兵二百三十五名合原設兵共六百名

六年設玉環營叅將左右二營各設守備以下將
領四人兵共九百名撥磐石營叅將一人守備一
人千總一人把總四人兵五百五十名太平營千

總一人兵一百十九名樂清營兵一百名大荆營
兵一百名温州城守營兵三十一名入玉環營又
移衢州協右營都司一人把總一人兵九十三名
台州協標把總一人補磐石營額

七年增設湖州協兵八十名合原設兵共一千二
百二十二名增設錢塘水師營兵三十六名合原
設兵共六百五十六名裁温州鎮標兵七名存兵
二千五百二十八名裁處州鎮標兵八名存兵二

千四百八十三名裁平陽協兵八名存兵一千一
百七十七名裁衢州協兵十七名存兵二千四十
名裁太湖營兵二名存兵六百五十八名裁寧波
營兵七名存兵六百三十四名裁象山協兵十四
名存兵一千三百二十二名裁昌石營兵五名存
兵四百六十五名裁鎮海營兵十二名存兵一千
五百五十五名裁紹興協兵十一名存兵一千八
百七十二名裁台州協兵二十三名存兵二千七

十三名裁金華協兵八名存兵一千九十二名裁
浙閩楓嶺營兵三名存兵四百七十七名裁嚴州
協兵七名存兵九百九十六名裁温州城守營兵
八名存兵七百六十名裁樂清營兵十名存兵八
百九十名裁大荆營兵八名存兵六百七十一名
裁磐石營兵三名存兵二百九十七名裁麗水營
兵四名存兵四百三十一名又改寧海營左營守
備把總各一人兵二百五十名為水師分防健跳

汎合原設叅將以下將領共十五人兵一千一百七十三名

是年改昌石營為水師改守備為都司歸象山協
兼轄

八年增昌石營兵一百名合原設兵共五百六十
五名撥象山協兵六十名充額

十二年復以浙江總督併歸福建裁督標官兵裁
衢州協副將改設衢州鎮總兵官中左右三營各

設遊擊以下將領八人兵共二千名又設衢州城守營都司以下將領八人兵三百四十名

乾隆九年裁衢州鎮標中營把總一人衢州城守營守備一人把總一人

十六年裁象山協標把總二人增設昌石營水師把總二人

十八年以太湖營遊擊以下官兵照江南太湖營制改為內河水師

二十一年裁大嵩營遊擊以下官兵即以提標前
營遊擊分駐

二十六年撥杭州城守協標守備一人千總一人
把總二人兵二百名復增設千總一人把總二人
兵二百名分駐海塘其守備駐海寧城

四十九年添設海防營把總一人駐李家埠汛

皇朝文獻通考卷一百八十六

欽定四庫全書

史部
皇朝文獻通考卷一百八十七

府丞臣龔駿文覆勘

總校官檢討臣何思鈞

欽定四庫全書

皇朝文獻通考卷一百八十一

兵考九

直省兵

湖廣

八旗駐防

荆州將軍二人

駐荆州府

左右翼副都統二人統轄

滿洲協領無佐領八人佐領四十人防禦四十人

驍騎校四十人蒙古協領兼佐領二人佐領十六人防禦十六人驍騎校十六人八旗滿洲蒙古委前鋒校十六人前鋒一百八十四名烏槍領催一百七十六名烏槍驍騎一千八百二十四名領催一百六十名驍騎一千六百四十二名礮驍騎八十四名步軍七百名養育兵四百名弓匠箭匠鐵匠各五十六名

康熙二十二年設荊州駐防將軍一人副都統二

人滿洲協領八人蒙古協領兼佐領二人佐領四
十六人防禦驍騎校各五十六人八旗滿洲蒙古
領催三百六十六名驍騎三千二百七名弓匠五
十六名鐵匠一百十二名撥西安駐防佐領驍騎
校各十二人右翼四旗滿洲蒙古兵一千名江寧
駐防左翼四旗滿洲蒙古兵一千名又自京城發
往兵一千五百四十三名充荊州額於駐防額兵
內分設委前鋒校十六人前鋒一百八十四名

是年又撥西安駐防步軍三百名改駐荊州

二十三年增設荊州駐防步軍四百名

二十九年增設荊州駐防滿洲蒙古兵四百五十

七名合新舊共四千名

三十年於荊州駐防額兵內分設鳥槍領催五十

六名鳥槍驍騎七百四十四名領催二百八十名

驍騎二千七百二十名

五十七年調荊州駐防驍騎三千名往赴四川於

駐防餘丁內補設驍騎一千名

六十年以調赴四川兵三千名內留一千六百名
於成都餘還歸駐防復增設驍騎六百名

雍正十二年以荊州駐防額內鐵匠之半改為箭
匠

乾隆元年於荊州駐防兵內設烏槍兵二千名
七年增設荊州駐防養育兵四百名

綠旗營

湖廣總督一人

駐劄武昌府

統轄本標官兵兼節制撫

標二提標一鎮標四

臣等謹按順治三年設湖廣總督駐武昌府康熙七年併為川湖總督駐荊州府九年移駐四川重慶府十九年四川總督停轄湖廣二十七年復專設湖廣總督仍駐武昌

督標中營中軍副將一人中軍都司一人千總二人把總四人兵四百六十一名左營遊擊一人中

軍守備一人千總二人把總四人兵四百六十二
名右營遊擊一人中軍守備一人千總二人把總
四人兵四百六十二名

湖北巡撫一人

駐劄武昌府

統轄本標官兵

臣等謹按順治三年設湖北巡撫駐武昌府又設
鄖陽巡撫駐鄖陽康熙六年裁鄖陽巡撫併歸湖
北巡撫統轄

撫標左營兼中軍叅將一人中軍守備一人千總

二人把總四人兵四百七十一名右營遊擊一人
中軍守備一人千總二人把總四人兵四百七十

二名

湖南巡撫一人

駐劉長沙府

統轄本標官兵

臣等謹按順治三年設偏沅巡撫駐沅州偏橋鎮
康熙三年移駐長沙府雍正二年改為湖南巡撫

撫標左營兼中軍叅將一人中軍守備一人千總
二人把總四人兵五百七十三名右營遊擊一人

中軍守備一人千總二人把總四人兵五百六十八名

湖廣水陸提督一人

駐劄常德府

統轄本標官兵及分

防各營兼節制鎮標四

提標中營中軍叅將一人中軍守備一人千總二人把總四人兵六百九十九名左營遊擊一人中軍守備一人千總二人把總四人兵七百名右營遊擊一人中軍守備一人千總二人把總四人兵

七百名前營都司一人中軍守備一人千總二人
把總四人兵七百名

黃州協副將一人

駐劄黃州府兼轄
蘄州營道士汛營

中軍都司一

人千總三人把總四人兵七百四十四名兼轄蘄

州營都司一人

駐劄
蘄州

千總一人把總二人兵二百

七十九名道士汛營都司一人

駐劄大冶
縣道士汛

把總一

人兵二百六十一名

荊州城守營叅將一人

駐劄荊州府
兼轄水師營

中軍守備一

人千總二人把總四人兵五百五十八名兼轄水

師營守備一人

駐荊州府

千總一人把總二人兵二

百十三名

武昌城守營叅將一人

駐武昌府

中軍守備一人千

總二人把總四人兵六百三十名

德安營叅將一人

駐德安府

中軍守備一人千總一

人把總二人兵四百八十二名

興國營叅將一人

駐興國州

中軍守備一人千總一

人把總二人兵四百四十三名

漢陽城守營遊擊一人

駐劉漢陽府

中軍守備一人千

總一人把總三人兵五百八十八名

荊門營遊擊一人

駐劉荊門州

中軍守備一人千總二

人把總四人兵六百九十九名

安陸營都司一人

駐劉安陸府

把總一人兵三百六名

長沙協副將一人

駐劉長沙府

左營兼中軍都司一人

千總二人把總四人兵五百二十四名右營守備

一人

駐劄湘潭縣

千總二人把總四人兵五百二十八

名

辰州協副將一人

駐劄辰州府

中軍都司一人

兼轄左右二營

左營千總二人把總四人兵四百五十五名右營

守備一人

駐劄辰溪縣

千總二人把總四人兵四百八

十八名

靖州協副將一人

駐劄靖州兼轄綏寧營長安營

中軍都司一人

千總二人把總四人兵七百二十五名兼轄綏寧

營遊擊一人

駐劄黃桑坪

中軍守備一人千總二人把

總四人兵五百四十二名長安營遊擊一人

駐劄長安

坪左營守備一人千總二人把總四人兵四百五

十名右營守備一人

駐劄鎮吳哨

千總二人把總四人

兵六百名

衡州協副將一人

駐劄衡州府

中軍都司一人千總二

人把總四人兵七百十三名

寶慶協副將一人

駐劄寶慶府

中軍都司一人千總二

人把總四人兵六百九十三名

洞庭協水師副將一人

駐劄龍陽縣

中軍都司一人千

總二人把總四人兵六百九十九名

永順協副將一人

駐劄永順府

中軍都司一人千總二

人把總四人兵八百名

澧州營叅將一人

駐劄澧州

中軍守備一人千總二人

把總四人兵六百二十九名

岳州營叅將一人

駐劄岳州府兼轄水師營

中軍守備一人千

總一人把總二人兵五百五十九名魚轄水師營

守備一人

駐劉岳州府

千總一人把總二人兵二百八

十一名

武岡營遊擊一人

駐劉武岡州魚轄城步營

中軍守備一人千

總一人把總三人兵六百五十名魚轄城步營守

備一人

駐劉城步縣

把總一人兵四十八名

常德營遊擊一人

駐劉常德府

中軍守備一人千總二

人把總四人兵七百四十九名

九谿營遊擊一人

駐劄九谿街

中軍守備一人千總二

人把總四人兵七百四十四名

永定營都司一人

駐劄永定縣

千總一人把總二人兵

四百三十六名

襄陽鎮總兵官一人

駐劄襄陽府設城縣

統轄本標官兵及

分防各營

鎮標中營中軍遊擊一人中軍守備一人千總二

人把總四人兵四百九十六名左營遊擊一人

駐劄

南漳縣

中軍守備一人千總二人把總四人兵四百

九十六名右營遊擊一人

駐劄襄陽府

中軍守備一人

千總二人把總四人兵四百九十六名前營都司

一人

駐劄襄陽府

中軍守備一人千總二人把總四人

兵四百九十六名

襄陽城守營遊擊一人

駐劄襄陽府

中軍守備一人千

總二人把總四人兵六百六十九名

鄖陽協副將一人

駐劄鄖陽府兼轄竹山營竹谿營

左營兼中軍

都司一人千總二人把總四人兵四百二十九名

右營守備一人

駐劄保康縣

千總二人把總四人兵四

百三十名兼轄竹山營遊擊一人

駐劄竹山縣

中軍守

備一人千總二人把總四人兵五百八十一名

均房營叅將一人

駐劄均州

中軍守備一人

駐劄均房縣

千總

二人把總四人兵八百三十六名

宜昌鎮總兵官一人

駐劄宜昌府

統轄本標官兵及分

防各營

鎮標中營中軍遊擊一人中軍守備一人千總二

人把總三人兵五百六名左營遊擊一人

駐劄興山縣

中軍守備一人千總二人把總三人兵五百六名

前營遊擊一人

駐劄東湖縣

千總二人把總四人兵五

百九十名後營遊擊一人

駐劄歸州

中軍守備一人千

總二人把總四人兵六百名

施南協副將一人

駐劄施南府

中營中軍都司一人

兼轄

左右二營兵三百九十六名左營守備一人

駐劄咸豐縣

千

總二人把總四人兵六百三十八名右營守備一

人駐劄利川縣千總一人把總五人兵五百三十八名

遠安營遊擊一人駐劄遠安縣中軍守備一人千總二

人把總四人兵四百七十二名

衛昌營遊擊一人駐劄鶴峯州中軍守備一人千總二

人把總四人兵五百九十六名

宜昌營都司一人駐劄宜都縣千總一人把總二人兵

三百八十四名

鎮算鎮總兵官一人

駐劄辰州府鎮
算五寨司城

統轄本標官

兵及分防各營

鎮標中營中軍遊擊一人中軍守備一人

駐劄
場坪

千總二人把總四人兵六百九十七名左營遊擊

一人

駐劄
乾州

中軍守備一人

駐劄
鎮所

千總二人把總

五人兵六百九十七名右營遊擊一人

駐劄
勝營

中

軍守備一人

駐劄
金塘

千總二人把總五人兵六百

九十八名前營都司一人

駐劄
長坪

中軍守備一人

駐
劄

口巖千總二人把總四人兵六百九十八名

沅州協副將一人

駐劄沅州府
兼轄晃州營

中軍都司一人千

總四人把總六人兵八百十名兼轄晃州營守備

一人

駐劄晃
州城

千總一人把總二人兵二百二十名

永綏協副將一人

駐劄吉
多城

中軍都司一人左營守

備一人

駐劄排
補美汛

千總二人把總四人兵七百九十

七名右營守備一人

駐劄花
圍汛

千總二人把總四人

兵八百三名

保靖營遊擊一人

駐劄保靖縣舊司治

中軍守備一人千總

二人把總四人兵六百名

永州鎮總兵官一人

駐劄永州府

統轄本標官兵及分

防各營

鎮標中營中軍遊擊一人中軍守備一人千總二

人把總四人兵六百三十一名左營遊擊一人

駐劄

江華縣

中軍守備一人

駐劄錦田所

千總二人把總四人

兵六百九十二名右營遊擊一人

駐劄道州

中軍守備

一人

駐劄寧遠州

千總二人把總四人兵六百一十三

名

宜章營叅將一人

駐劄宜章縣

中軍守備一人千總二

人把總四人兵六百四十九名

臨武營叅將一人

駐劄臨武縣

中軍守備一人千總二

人把總四人兵六百四十九名

桂陽營叅將一人

駐劄桂陽州

中軍守備一人千總二

人把總四人兵五百四十六名

順治三年定湖廣官兵經制設湖廣總督標旗鼓

都司一人

尋裁旗鼓都司後撫標提標鎮標旗鼓都司旗鼓守備並同

分中左

右三營中營設叅將以下將領八人左右二營各

設遊擊以下將領八人兵共三千名設湖北巡撫

及鄖陽巡撫偏沅巡撫標各旗鼓守備一人左右

二營各設遊擊以下將領五人兵共一千五百名

設湖廣提督標旗鼓都司一人分中左右前後五

營中營設叅將以下將領八人左右前後四營各

設遊擊以下將領八人兵共五千名設荊州鎮鄖
襄鎮長沙鎮總兵官鎮標各旗鼓守備一人中左
右三營各設遊擊以下將領八人兵共三千名設
辰州協副將協標中左右三營各設都司以下將
領八人兵共三千名設黃州協承天協
後改為安陸營常
德協副將協標各設中軍守備以下將領七人兵
一千二百名設漢陽營德安營興國營蘄州營房
縣營岳州營寶慶營靖州營永州營鎮筵營臨藍

營等處叅將各設中軍守備以下將領四人兵六
百名設彝陵營衡州營洞庭湖營鎮偏營等處遊
擊各設中軍守備以下將領三人兵四百名設三
江口營道士汛營澧州營九永營武岡營永道營
榔桂營等處守備把總各一人兵各二百名設王
家堡大圍山綏寧操守各一人兵各一百名
七年改九永營守備為永定營守備增兵一百名
增設九谿衛守備一人兵三百名

是年裁湖廣通省各標營兵共五千名

八年增設偏沅巡撫標兵三千名合原設兵共四千五百名分為中左右三營仍駐沅州

是年裁鎮筵營叅將改設鎮筵協副將左右二營各設都司以下將領八人兵共一千六百名

九年裁龍陽營遊擊改設龍陽協副將以下將領八人兵七百七名

十年改設澧州營叅將以下將領八人即以原設

守備為中軍守備設兵六百名

十一年設湖廣中路總兵官分中左右前後五營
統兵四千名駐寶慶復設右路總兵官統兵三千
名同駐寶慶設左路總兵官統兵四千名駐永州
尋俱撤裁

是年設兩桂營遊擊一人中軍守備一人千總二
人把總四人兵八百名

十二年增設夔陵協副將一人遊擊守備各一人

兵四千名分水陸二營又增設武昌城守營叅將一人中軍守備一人兵九百十六名

是年裁寶慶等營兵共三千六百名設東安營叅將一人兵一千二百名

十三年裁彞陵協副將改設彞陵鎮總兵官中左右前後五營各設遊擊以下將領八人兵共二千九百九十八名

十六年裁鄖陽水師協副將改設鄖襄鎮總兵官

分四營各設遊擊以下將領八人兵共二千三十
二名撥武昌長沙澧州洞庭各營兵四百名增駐
九谿永定二衛合原設兵共一千名設遊擊守備

統之

遊擊駐九谿
守備駐永定

十八年裁長沙鎮總兵標中左右三營遊擊以下
官兵裁九谿營遊擊改設九谿協副將以下將領
八人兵七百四十四名

是年裁湖北巡撫及鄖陽巡撫標各左右二營遊

擊以下官兵

康熙五年裁荊州鎮總兵標中左右三營遊擊以下官兵改設荊州城守營叅將以下將領八人兵五百六十三名裁長沙協標中軍都司守備各一人止設副將以下將領十五人兵一千十二名裁衡州協標中軍都司守備各一人止設副將以下將領九人兵六百八十三名裁靖州協標中軍都司守備各一人止設副將以下將領十四人兵七

百八十名

七年裁湖廣總督標中左右三營叅將以下官兵
八年裁辰常鎮總兵官仍設辰州協副將以下將
領十六人兵一千四百名

九年裁永州協副將改設永州鎮總兵官中左右
三營各設遊擊以下將領八人兵一千五百五十
六名裁桂陽營遊擊改設叅將以下將領八人兵
五百四十六名

十三年復設湖北巡撫標左右二營各遊擊以下
將領八人兵九百五十五名偏沅巡撫標左右二
營各遊擊以下將領八人兵一千一百四十一名
裁蘄州營叅將改設守備以下將領四人兵二百
八十一名

十八年復設岳州營叅將以下將領五人兵五百
六十名

十九年裁均房鎮總兵官復設叅將以下將領八

人兵九百六十名裁武岡鎮總兵官復設遊擊以下將領五人兵四百六十八名

二十一年裁黃州協標左營守備止設副將以下將領八人兵七百二名裁鄖陽提督仍設鄖陽協副將左右二營各設都司以下將領七人兵八百七十八名裁漢陽營叅將改設守備把總各一人兵二百八十一名裁安陸營遊擊止設守備把總各一人兵二百八十一名裁永定協副將改設遊

擊以下將領八人兵五百二十一名

二十四年裁常德協副將仍設遊擊以下將領五人兵四百六十八名

二十七年復設湖廣總督標中左右三營中營副將以下將領八人左右二營各遊擊以下將領八人兵一千四百三名

二十八年設武昌水師營守備以下將領四人兵二百八十一名設荊州常德岳州水師營官兵數

俱同

三十八年移鎮草協副將駐沅州改為沅州協設
副將以下將領十四人兵九百二十七名即移沅
州鎮總兵官駐鎮草改為鎮草鎮總兵官分中左
右前四營各設遊擊以下將領八人兵共三千名
雍正五年改原隸湖廣之天桂營叅將以下將領
八人兵六百八十三名屬貴州黎平協

是年裁宜都營遊擊止設守備以下將領三人兵

三百名

六年撥湖廣督標撫標並武昌水師營兵六十名
駐八吉堡設守備千總各一人又撥宜都營遊擊
一人沅州協守備把總各一人兵二百三十七名
靖州協千總二人把總三人兵二百九十五名往
綏寧營設遊擊以下將領八人兵五百四十二名
其沅州協標存將領十二人兵六百九十名靖州
協標存將領八人兵四百八十五名

七年設永順協副將以下將領八人兵八百名保靖營遊擊以下將領五人兵四百名撥提標兵一百二十五名彞陵鎮標守備一人把總二人兵一百五十名辰州協兵一百九十五名均房營兵二百十名宜都營守備千總各一人把總二人兵一百名九谿協兵五十名永定營遊擊一人兵二百七十名以充其額其提標存兵二千八百一名彞陵鎮標存兵二千八百四十八名辰州協存兵八

百九名均房營存兵七百五十名宜都營存兵二百名九谿協存兵六百九十四名永定營存兵二百五十名

八年增設彝陵鎮標兵七十名合原設兵共二千九百十八名增設永州鎮標兵三百名合原設兵共一千八百五十六名增設辰州協兵一百二十名合原設兵共九百二十九名增設均房營兵一百名合原設兵共八百五十名增設宜都營兵七

十五名合原設兵共二百七十五名增設九谿協
兵一百五十名合原設兵共八百四十四名增設
永定營兵一百三十名合原設兵共三百八十名
設永綏協副將以下將領十六人兵一千二百名
九年撥湖廣總督標兵二百十名巡撫標兵一百
二十名彞陵鎮標兵二百三十名襄陽鎮標兵二
百五十三名鄖陽協兵一百二名黃州協兵七十
一名武昌城守營興國營遠安營竹山營兵各六

十名德安營兵五十五名荊州城守營兵六十三
名均房營兵一百二十三名荊門營兵六十四名
襄陽城守營兵七十三名漢陽城守營宜都營兵
各四十名蘄州營安陸營道士泐營兵各四十八
名武昌荊州水師營兵各二十名赴陝西涼州存
督標兵一千一百六十二名撫標兵八百十五名
彞陵鎮標兵二千六百八十八名襄陽鎮標兵一
千七百七十九名鄖陽協兵七百七十六名黃州

協兵六百三十一名武昌城守營兵五百七十七
名興國營兵四百八名遠安營兵四百三十七名
竹山營兵四百六十二名德安營兵三百九十五
名荊州城守營兵五百名均房營兵七百二十七
名荊門營兵六百一十一名襄陽城守營兵六百二
名漢陽城守營兵二百四十一名宜都營兵二百
三十五名蘄州營安陸營兵各二百三十三名道
士泆營兵二百十五名武昌荊州水師營兵各二

百六十一名

十三年改彝陵鎮為宜昌鎮又增沅州協兵一百名
乾隆元年改施州營為協設副將一人中軍都司
一人左右二營守備各一人千總各二人把總各
二人

三年撥鎮算中營所屬黔陽把總一人兵六十四
名歸沅州協兼轄

是年撥武昌水師營守備一人千總一人把總二

人兵二百八十一名入漢陽營改漢陽營都司為
遊擊合原設把總一人兵二百八十一名即以水
師守備駐漢口為漢陽水師營中軍又增設晃州
營守備一人千總一人把總二人兵一百五十名
六年改武岡營遊擊為都司

七年裁鎮草鎮兵三百四十名存兵三千名又裁
施南協兵二百三十七名均房營兵一百名

是年裁湖廣提督標後營以所存兵分入中左右

前四營

八年設長安營遊擊分左右二營左營設守備以下將領五人右營設守備以下將領四人兵共九百名即分撥提標鎮標永州鎮標永綏協綏寧營兵充額又以把總一人兵一百名屬於理樞廳亦附入長安營

十年裁常德水師營守備撥千總把總及兵一百四十六名入常德城守營以岳州水師營歸岳州

城守營兼轄

十一年改永順協辰州協並隸提標統轄

十六年裁常德漢陽荊州岳州水師四營兵五十
六名

十九年以鄭陽協及所屬之竹山竹谿二營隸襄
陽鎮

二十一年裁常德水師營千總一人兵五十二名
三十年撥荊州水師營兵三十名入漢陽城守營

三十一年裁辰州營守備一人

四十四年裁長安營守備一人千總一人兵三百
名撥入永州營一百四十名長沙營四十名衡州
營三十名澧州營三十名辰州營三十名沅州營
三十名

四十八年將襄陽鎮標前營都司以下官兵移駐
穀城防寨

四川

八旗駐防

成都將軍一人

駐劄成都府

副都統一人統轄協領五

人佐領二十四人防禦二十四人驍騎校二十四

人八旗滿洲蒙古委前鋒校八人前鋒一百五十

二名領催一百四十四名驍騎一千二百九十六

名礮驍騎四十八名步軍四百名養育兵一百四

十四名弓匠箭匠鐵匠各三十二名兼轄本標左

右營綠旗並松潘建昌二鎮官兵

綠旗中軍副將一人左營都司一人千總一人把
總二人兵五百名右營守備一人千總一人把總
二人兵五百名

康熙六十年設成都駐防副都統一人協領四人
佐領防禦驍騎校各二十四人八旗滿洲蒙古委
前鋒校八人前鋒一百五十二名烏槍領催八十
名烏槍驍騎七百二十名領催六十四名驍騎五
百七十六名步軍四百名弓匠箭匠鐵匠共九十

六名

雍正元年增設成都駐防協領一人裁佐領六人
三年增設成都駐防礮驍騎四十八名

乾隆三十二年增設成都駐防養育兵一百四十
四名

四十一年設成都駐防將軍一人

是年設成都將軍標綠旗營副將以下將領九人
兵一千名

綠旗營

四川總督一人

駐劄成都府

統轄本標官兵兼節制提

標一鎮標四

臣等謹按順治三年設四川巡撫駐成都府設川
陝總督駐陝西兼轄四川十四年專設四川總督
駐重慶府康熙七年改四川總督為川湖總督駐
湖廣荊州府九年以川湖總督移駐重慶府十九
年停轄湖廣改設川陝甘總督駐陝西兼轄四川

雍正九年復專設四川總督駐成都府十三年仍
併歸陝西為川陝甘總督乾隆十四年復專設四
川總督裁四川巡撫以總督兼管巡撫事二十四
年令四川總督兼轄陝西為川陝總督尋復專為
四川總督

督標中營中軍副將一人中軍都司一人千總二
人把總四人兵八百名左營遊擊一人中軍守備
一人千總二人把總四人兵八百名右營遊擊一

人中軍守備一人千總二人把總四人兵八百名

四川提督一人

駐劄雅州府

統轄本標官兵及分防各

營兼節制鎮標四

提標中營中軍叅將一人中軍守備一人千總二

人把總四人兵五百名左營遊擊一人中軍守備

一人千總二人把總四人兵五百名右營遊擊一

人中軍守備一人千總二人把總四人兵五百名

前營都司一人中軍守備一人千總二人把總四

人兵五百名

成都城守營叅將一人

駐劄成都府兼轄青雲坨營

左營兼中

軍守備一人千總二人把總三人兵八百二十名

右營守備一人

駐劄邛州

千總二人把總三人兵七百

六十二名兼轄青雲營守備一人

駐劄灌縣青雲坨

千總

一人把總一人兵一百八十八名

阜和協副將一人

駐劄打箭爐兼轄黎雅邊泰寧三營

左營兼中

軍都司一人千總三人把總五人兵六百十一名

右營都司一人

駐劄清溪縣

千總一人把總二人兵三

百六十一名兼轄黎雅營遊擊一人

駐劄雅州府

中軍

守備一人千總二人把總四人兵五百十三名

邊營遊擊一人

駐劄峨嵋縣

中軍守備一人

駐劄太平墩

千

總二人把總二人兵四百六十二名

一人

駐劄泰寧城

千總一人把總一人兵四百一十六

名

永寧營叅將一人

駐劄敘永廳兼轄瀘州敘馬建武大壩赤水五營

中軍

守備一人千總二人把總四人兵五百四十二名

兼轄瀘州營都司一人

駐劄瀘州

千總一人把總四人

兵三百十四名敘馬營都司一人

駐劄宜賓縣

千總二

人把總二人兵三百九十八名建武營都司一人

駐劄建武城

千總一人把總二人兵二百十四名大壩

營都司一人

駐劄大壩城

把總一人兵一百六十六名

赤水營守備一人

駐劄赤水城

把總一人兵二百九名

普安營叅將一人

駐劄雷波衛兼轄馬邊營安阜營

中軍守備一

人

駐劄馬
角汛

千總一人把總四人兵四百九十八名

兼轄馬邊營都司一人

駐劄屏
山縣

千總一人把總二

人兵三百四十五名安阜營都司一人

駐劄黃
瑯所

千

總一人把總一人兵二百八十六名

川北鎮總兵官一人

駐劄保
寧府城

統轄本標官兵及分

防各營

鎮標中營中軍遊擊一人中軍守備一人千總二

人把總四人兵五百二十三名左營遊擊一人中

軍守備一人千總二人把總三人兵五百五十名

右營都司一人千總二人把總三人兵五百六十

三名

順慶營遊擊一人

駐劄順慶府

中軍守備一人千總二

人把總二人兵三百三十四名

達州營遊擊一人

駐劄達州

中軍守備一人千總一人

把總二人兵三百九十三名

潼綿營遊擊一人

駐劄潼州府

中軍守備一人千總一

人把總二人兵三百三十二名

太平營都司一人

駐劉太平縣

千總一人把總二人兵

二百七十名

通巴營守備一人

駐劉毛浴鎮

把總二人兵二百十名

重慶鎮總兵官一人

駐劉重慶府

統轄本標官兵及分

防各營

鎮標中營中軍遊擊一人中軍守備一人千總一

人把總四人兵四百六十八名左營遊擊一人中

軍守備一人千總一人把總三人兵四百五十六

名右營都司一人

駐劄大
唐汛

千總二人把總三人兵

五百九十八名

夔州協副將一人

駐劄夔州府兼轄
巫山營梁萬營

左營兼中軍

都司一人千總一人把總三人兵四百六十八名

右營守備一人千總二人把總三人兵四百六十

一名兼轄巫山營都司一人

駐劄巫
山縣

千總一人把

總一人兵二百八十一名梁萬營都司一人

駐劄
萬縣

千總一人把總一人兵二百五十名

綏寧營叅將一人

駐劄秀山縣

中軍守備一人

駐劄百陽州

千總二人把總四人兵六百十一名

黔彭營都司一人

駐劄黔江縣

千總一人把總二人兵

三百二名

忠州營都司一人

駐劄忠州

千總一人把總二人兵二

百三十四名

建昌鎮總兵官一人

駐劄寧遠府

統轄本標官兵及分

防各營

鎮標中營中軍遊擊一人中軍守備一人

駐劉木托汛

千總一人把總四人兵四百九十八名左營遊擊

一人中軍守備一人

駐劉南溪汛

千總一人把總四人

兵五百三名右營都司一人

駐劉熱水汛

千總二人

把總四人兵五百二十一名

會川營叅將一人

駐劉會理州魚轄永定營

中軍守備一人千

總二人把總四人兵五百四十四名魚轄永定營

守備一人

駐劄永定城

千總一人兵二百四十一名

越雋營叅將一人

駐劄越雋衛
兼轄寧越營

中軍守備一人

劄

栢香汛

千總二人把總四人兵五百四十五名兼轄

寧越營都司一人

駐劄寧越城

千總一人把總二人兵

三百十九名

靖遠營遊擊一人

駐劄靖遠城
兼轄瀘寧營

中軍守備一人

劄

靖遠城

千總二人把總四人兵三百八十一名兼轄

瀘寧營守備一人

駐劄瀘寧城

千總一人把總二人兵

二百二十二名

會鹽營遊擊一人

駐劄鹽源縣

中軍守備一人

駐劄鹽中所河

西汛千總二人把總四人兵三百八十一名

冕山營都司一人

駐劄冕寧縣

千總一人把總二人兵

二百四十名

懷遠營都司一人

駐劄懷遠城

千總二人把總二人兵

三百四十一名

松潘鎮總兵官一人

駐劄松潘衛

統轄本標官兵及分

防各營兼轄懋功綏靖崇化撫邊慶寧五營官兵
鎮標中營中軍遊擊一人中軍守備一人千總二
人把總四人兵五百四十名左營遊擊一人中軍
守備一人千總一人把總三人兵五百三十四名
右營都司一人千總一人把總三人兵五百三十
四名

維州協副將一人

駐劄舊保縣
兼轄茂州營

左營兼中軍都司

一人千總二人把總三人兵四百三十九名右營

守備一人

駐劄
雜谷

把總二人兵二百六十四名兼轄

茂州營都司一人

駐劄
茂州

千總一人把總二人兵三

百三十一名

漳臘營叅將一人

駐劄
漳臘城

中軍守備一人千總二

人把總四人兵五百六十九名

疊溪營遊擊一人

駐劄
疊溪營

中軍守備一人千總一

人把總一人兵四百七名

龍安營都司一人

駐劄
龍安府

千總一人把總四人兵

五百四十七名

南坪營都司一人

駐劄南坪營

千總一人把總二人兵

三百四十六名

平番營都司一人

駐劄平番營

千總一人把總二人兵

二百二十二名

小河營守備一人

駐劄小河城

千總一人把總二人兵

一百八十八名

懋功協副將一人

駐劄懋功營

中軍都司一人千總三

人把總五人兵六百九十六名

綏靖營遊擊一人

駐劄綏靖營

中軍守備一人千總二

人把總四人兵六百十一名

崇化營遊擊一人

駐劄崇化營

中軍守備一人千總二

人把總二人兵五百三十九名

撫邊營守備一人

駐劄撫邊營

千總一人把總二人兵

五百四十六名

慶寧營守備一人

駐劄慶寧營

千總一人把總二人兵

二百六十一名

臣等謹按乾隆四十一年平定兩金川全境隨設
兵駐守制同內地於美諾地建懋功營阿爾古地
建綏靖營噶喇依地建崇化營底木達地建撫邊
營茹寨地建慶寧營並隸松潘鎮統轄謹序列如
右并附著其疆土名目建設營伍之始以昭
天威遠播底定殊方之盛軌焉

順治四年定四川官兵經制設四川巡撫標旗鼓

守備一人

尋裁旗鼓守備後
鎮標旗鼓守備同

左右二營各設遊擊

以下將領八人兵共一千三百名設建昌鎮保寧

鎮永寧鎮夔州鎮等處總兵官鎮標各旗鼓守備

一人中左右三營各設遊擊以下將領八人兵共

二千名設松潘協成都城守協重慶城守協等處

副將協標左右二營各設遊擊以下官兵設威茂

營梁萬營等處叅將設達州營黔彭營巫山營建

武營黎雅營戕邊營漳臘營疊溪營小河營等處

遊擊設忠州營馬邊營大壩營龍場營化林營太平營潼綿營通巴營南坪營平番營等處守備分領各營兵

十年改保寧鎮總兵官為川北鎮總兵官鎮標中左右三營各設遊擊以下將領八人兵共二千名十二年設龍安營叅將以下將領九人兵六百五十名

十四年設四川總督標中左右前後五營官兵

十七年設左翼鎮右翼鎮總兵官鎮標中左右前後五營各設遊擊以下將領五人兵共三千五百名尋俱撤裁

十八年裁四川巡撫標左右二營遊擊以下官兵康熙元年設會川營遊擊以下官兵設越雋營寧越營會鹽營冕山營守備以下官兵

四年設敘馬營遊擊以下將領八人兵五百名八年裁重慶城守協副將並左右二營遊擊以下

官兵移永寧鎮總兵官駐重慶改為重慶鎮總兵
官鎮標中左右三營各設遊擊以下將領八人兵
共二千名統轄黔彭營遊擊以下將領八人兵五
百名忠州營守備把總各一人兵二百五十名別設
永寧協副將分左右二營各設都司以下將領八
人兵共一千二百名魚轄敘馬營遊擊以下將領
八人兵五百名建武營遊擊以下將領五人兵四
百名大壩營守備把總各一人兵二百名龍場營

守備以下將領三人兵一百九十名馬邊營守備
以下將領四人兵二百四十名

十年裁夔州鎮總兵官改設夔州協副將分左右
二營左營設都司以下將領七人右營設守備以
下將領七人兵共一千二百名魚轄巫山營遊擊

以下將領八人兵四百名梁萬營參將以下將領
八人兵五百名裁松潘協副將改設松潘鎮總兵
官鎮標中左右三營各設遊擊以下將領八人兵

共二千名統轄龍安營叅將以下將領九人兵六百五十名威茂營叅將以下將領八人兵六百名漳臘營遊擊以下將領八人兵六百四十名疊溪營遊擊以下將領五人兵五百名小河營遊擊以下將領五人兵四百五十名南坪營守備以下將領四人兵二百五十名
十三年復設四川巡撫標左右二營各遊擊以下將領八人兵共一千三百名

十九年改設川陝總督標中左右前後五營中營
設副將以下將領八人左右前後四營各設遊擊
以下將領八人兵共三千九百八十八名又設督
標火器營叅將以下將領八人兵一千名

二十年設四川提督標中左右三營中營設叅將
以下將領八人左右二營各設遊擊以下將領八
人兵共三千名

二十七年移昌寧營遊擊以下將領七人兵四百

名駐順慶府改為順慶營

三十七年移梁萬營叅將以下將領六人駐化林
合化林營原設守備把總共將領八人兵五百名
其梁萬營止設都司把總各一人兵二百名仍歸
夔州協兼轄

三十九年增設四川提督標前後二營各遊擊以
下將領八人合原設中左右為五營共兵三千三
百二十五名

四十六年裁成都城守協副將改設城守營叅將
左右二營各設守備以下將領六人兵共一千四
百五十名兼轄潼綿營守備以下將領四人兵三
百名裁化林營叅將改設化林協副將以原屬建
昌鎮之黎雅營遊擊以下將領八人兵五百名裁
邊營遊擊以下將領六人兵五百名俱改歸化林
協兼轄其建昌鎮止轄本標中左右三營遊擊以
下將領各八人兵共二千名並會川營遊擊以下

將領八人兵五百名越雋營寧越營會鹽營冕山
營各守備把總二人兵各二百五十名

雍正元年增設越雋營遊擊千總把總各一人兵
二百五十名合原設守備把總共將領五人兵共
五百名

二年於會川營地方分設永定營遊擊以下將領
八人兵五百名於越雋營地方分設栢香營都司
千總把總各一人兵三百名又改寧越營守備為

都司增設千總一人兵一百五十名合原設把總
二人兵共四百名增設會鹽營遊擊一人千總二
人把總一人兵二百五十名合原設守備把總共
將領六人兵共五百名增設冕山營遊擊一人千
總二人把總三人兵二百五十名合原設守備把
總共將領八人兵共八百名又撥建昌鎮標中軍
守備一人千總一人兵一百五十名分駐木托汛
右營遊擊一人千總一人兵二百五十名分駐熱

水汛

六年增設建昌鎮屬清遠營遊擊以下將領八人
兵五百名

七年設阜和營都司把總各一人兵二百名增設
馬邊營兵一百六十名合原設兵共四百名又移
化林協副將駐雅州府泰寧城改為泰寧協其化
林營止設都司以下將領四人兵三百名

八年設普安營遊擊以下將領八人兵八百名又

設安阜營守備以下將領四人兵四百名

九年復專設四川總督及督標官兵

十一年設瀘寧營叅將以下守備二人千總二人
把總六人兵一千二百名又設嘉順營懷遠營都
司以下將領各四人兵各四百名又減存冕山營
兵為六百名

十三年裁永定營守備一人千總一人把總二人
兵二百名留千總把總三人兵三百名改遊擊為

都司裁冕山營守備一人千總一人把總二人兵
三百名留千總把總三人兵三百名改遊擊為都
司裁栢香營都司千總把總各一人兵三百名其
原轄地方併歸越雋營統轄又增設越雋營千總
一人把總二人兵一百名改遊擊為參將以寧越
營歸參將兼轄又增黎雅營兵四十四名合原設
兵共五百名又移泰寧協副將駐化林改為化林
協分左右二營各設都司以下將領四人兵共一

千名又增設阜和營千總一人兵一百名合原設
將領共三人兵三百名與黎雅峩邊二營俱歸化
林協兼轄尋復改化林協為泰寧協又設酉陽營
遊擊以下將領八人兵八百名以遊擊千總各一
人把總三人兵五百名駐三合場以守備千總把
總各一人兵三百名駐酉陽司治隸重慶鎮統轄
即撥黔彭營遊擊守備千總各一人把總二人兵
二百名又撥重慶鎮標兵二百名充入酉陽營外

又增設千總一人把總二人兵四百名其黔彭營
改設都司以下將領四人兵三百名重慶鎮標存
兵一千八百名尋改酉陽營為綏寧營

是年復以四川總督併歸陝西裁督標官兵

乾隆二年裁松潘鎮屬威茂營叅將改設威茂協
副將增兵六百名合原設兵共一千二百名分左
右二營改原設守備為都司及原設之千總把總
為左營增設都司一人千總一人把總二人為右

營又撥小河營遊擊一人兵一百五十名增入南坪營其小河營止設守備以下將領四人兵三百名

六年撥瀘寧營守備千總把總各一人兵二百名改設青雲營合原設成都營分駐青雲坨汛兵二十三名共二百二十三名仍歸成都城守營兼轄又撥瀘寧營把總二人兵三百名增入會川營並改會川營遊擊為叅將又撥瀘寧營把總一人增

入會鹽營再增會鹽營把總一人又撥瀘寧營兵一百名增入越嵩營其瀘寧營止設叅將以下將領五人兵七百名

是年以馬邊營安阜營改歸普安營兼轄

八年以巫山營遊擊守備各一人移駐阜和營即移阜和營都司一人駐巫山營又撥嘉順懷遠二營兵各一百名增入阜和營合原設兵共五百名九年撥冕山營兵三十五名入越嵩營又撥夔州

協兵三十名巫山營兵二十名入梁萬營

十四年裁四川巡撫設四川總督兼管巡撫事即
改撫標左右營為督標左右營增設中營副將以
下將領兵共二千四百名

十七年裁南坪營遊擊以通巴營都司一人移駐
南坪營即移南坪營守備一人駐通巴營

十八年移原駐茂州之威茂協副將並左營都司
駐舊保縣移右營都司駐雜谷改為維州協增設

茂州營都司以下將領四人兵四百名

四十三年裁提標後營都司一人守備一人千總
二人把總四人兵五百七十九名

是年改阜和營為阜和協裁遊擊一人守備一人
改設副將一人都司一人改泰寧協為泰寧營裁
副將一人都司一人改設遊擊一人守備一人改
永寧協為永寧營裁副將一人都司一人改設叅
將一人守備一人改永寧協右營為瀘州營裁建

武營遊擊一人守備一人改設都司一人

四十四年設懋功營遊擊一人守備一人千總三人把總五人兵六百九十九名綏靖營遊擊一人守備一人千總二人把總四人兵六百一十一名崇化營都司一人千總二人把總二人兵五百三十九名撫邊營守備一人千總一人把總二人兵五百四十六名慶寧營守備一人千總一人把總二人兵二百六十一名

臣等謹按乾隆四十一年平定兩金川全境僭拉
促浸地方盡入版圖因降

諭旨酌議改設營制以控馭蕃徼嗣於十四年奏定
分設各營凡五添派官兵駐守制同內地於美諾
地建懋功營阿爾古地建綏靖營噶刺依地建崇
化營底木達地建撫邊營茹寨地建慶寧營並隸
松潘鎮統轄而又倣照從前平定準噶爾之例酌
量裁減腹地兵額以移駐新營仰見

睿謨盡善不動聲色而措置咸宜其地且

詔勒豐碑

武功誕告莫不震疊於

天威遠播底定殊方之盛軌焉爰考志增設營伍之始
附著其疆土名目以紀我

朝之方畧至詳極備焉爾

是年裁松潘鎮左營千總一人把總一人右營守
備一人千總一人把總一人維州協左營把總一

人右營都司一人千總一人疊溪營把總一人又
龍安營叅將一人守備一人改設都司一人裁建
昌鎮中營千總一人左營千總一人又改嘉順營
為嘉順汛裁都司一人把總二人留駐千總一人
撥歸懷遠營轄裁永定營都司一人把總二人改
設守備一人裁川北鎮左營把總一人右營守備
一人把總一人裁潼沛營都司一人改設遊擊一
人守備一人裁重慶鎮中營千總一人左營千總

一人把總一人右營守備一人把總一人夔州協
左營千總一人右營把總一人裁奉寧營遊擊一
人守備一人改設都司一人裁叙馬營遊擊一人
守備一人改設都司一人

是年裁督標兵三百七十七名提標兵三百六十
九名成都城守營兵一百三名松潘鎮兵二百四
十五名維州協兵七十四名茂州營兵三十二名
漳臘營兵五十名疊溪營兵四十五名龍安營兵

五十二名南坪營兵三十二名平番營兵十八名
小河營兵十二名建昌鎮兵三百二十五名越溝
營兵一百十名會川營兵一百十名會鹽營兵七
十七名靖遠營兵七十七名懷遠營兵四十七名
增嘉順汛兵一百十名又裁冕州營兵四十七名
寧越營兵六十四名永寶營兵六十一名瀘寧營
兵四十七名川北鎮兵三百十一名順慶營兵六
十名潼沖營兵四十七名太平營兵四十七名夔

州協兵一百九十五名梁萬營兵四十名巫山營
兵五十二名阜和協兵七十四名泰寧營兵七十
六名黎雅營兵四十五名峩邊營兵四十名永寧
營兵六十六名瀘州營兵六十八名建武營兵五
十九名赤水營兵三十名

四十五年裁建州營兵六十三名通巴營兵四十
八名重慶鎮兵三百五名綏寧營兵一百六名黔
彭營兵四十五名忠州營兵三十九名增永寧營

兵六十名裁叙馬營兵七十七名增赤水營兵二十名又裁普安營兵一百名安阜營兵五十六名安邊營兵六十三名

四十七年改懋功營為懋功協裁遊擊一人守備一人改設副將一人都司一人又裁崇化營都司一人改設遊擊一人守備一人

五十年將松潘鎮兼轄之懋功協專管新設各營俱歸提督統轄

皇朝文獻通考卷一百八十七